



Sud Bosne i Hercegovine
Суд Босне и Херцеговине

Broj: S1 3 Iž 037383 20 Iž
Sarajevo, 13.10.2020.godine

Sud Bosne i Hercegovine u Sarajevu, u Apelacionom upravnom vijeću, sastavljenom od sudija, Zvezdane Antonović kao predsjednika vijeća, Mirsade Džindo i Dinke Bešlagić-Čovrk, kao članova vijeća, odlučujući o žalbi Kate Ravlić, Vladimira Nazora 22/1, Derventa, izjavljenoj protiv odluke Centralne izborne komisije Bosne i Hercegovine, broj: 05-1-07-1-998/20 od 01.10.2020.godine, u nejavnoj sjednici, održanoj dana 13.10.2020.godine, donio je

R J E Š E N J E

Žalba se odbacuje.

O b r a z l o ž e n j e

Odlukom Centralne izborne komisije Bosne i Hercegovine, broj i datum navedeni u uvodu, podnosiocu žalbe odbijen je upis u izvod iz Centralnog biračkog spiska za glasanje izvan BiH za Lokalne izbore 2020. godine, za ukupno 27.960 birača po prijavama podnesenim do 01.09.2020. godine.

Protiv ove odluke podnosilac žalbe je blagovremeno uložila žalbu uz koju, kako navodi, dostavlja ličnu kartu iz koje je vidljivo na kojoj adresi ima prebivalište..

Centralna izborna komisija Bosne i Hercegovine je u odgovoru na žalbu istakla da osoba sa čije je elektronske adrese upućena žalba nije dostavila punomoć za podnošenje žalbe u njeno ime, zbog čega smatra da je predmetna žalba izjavljena od neovlaštenog lica, te predlaže da se ista odbaci.

Žalba nije dopuštena.

Uvidom u spis predmeta Sud je utvrdio da je žalba u ime Kate Ravlić izjavljena sa e-mail adrese info.udruga.posavina@gmail.com koji nije ovlašten izjaviti žalbu. Naime, u Obrascu prijave za glasanje izvan BiH (PRP-1) u koloni D. pod 6. u kontakt podacima upisana nije uopšte navedena e-mail adresa, koju je žaliteljica bila u obavezi da upiše, a s koje adrese bi mogla izjavljivati i pravne lijekove na odluke Centralne izborne komisije BiH.

Obzirom da žaliteljica nije dostavila punomoć za izjavljivanje žalbe na pobijanu odluku Centralne izborne komisije BiH, to se ista ne može tretirati kao dozvoljena i izjavljena od ovlaštenog lica.

Kako je po shvatanju apelacionog vijeća žalba izjavljena od neovlaštenog lica, u smislu odredbe člana 180. stav 3. Zakona o parničnom postupku pred Sudom BiH („Službeni glasnik BiH“ broj: 36/04, 84/07 i 58/13), to je istu, analognom primjenom člana 191. stav 1. tačka 1. citiranog zakona, a koji se primjenjuje temeljem odredbe člana 60.a) Zakona o upravnim sporovima Bosne i Hercegovine („Službeni glasnik BiH“, broj: 19/02 do 74/10), valjalo odbaciti kao nedopuštenu

Predsjednik vijeća
S u d i j a
Mirsada Džindo